

3au Concors de fotografia “Eth mèn repopet” en motiu deth 18au aniversari dera Biblioteca Generau de Vielha

Se vos agrade era fotografia, ja podetz participar en 3au concors de fotografia “Eth mèn repopet”, ath torn deth leitatge maternau, es jòcs, es minjars, eth dromir... des vòsti repopets, qu’organizen er Ajuntament de Vielha e Mijaran, er airau de Pediatria der Espitau Val d’Aran e era Biblioteca Generau de Vielha en motiu deth sòn dètz-e-ueitau aniversari.

Entà participar-i, cau que hèsques ua fòto sus eth tèma deth concors e mo l’envies tà biblioteca@vielha-mijaran.org.

Eth dia 19 de noveme ei eth darrèr dia entà enviar es vòstes fòtos.

Es guanhadors auràn coma prèmi un lòt de libres, dues entrades entath concèrt de Gospel, organizat per Ajuntament, e dues entrades tara pista de gèu deth Palai. Toti es que participen auràn coma prèmi dues entrades entara programacion annau culturau familiar der Ajuntament.

Bases:

1. Condicions entà poder-i participar:

Eth concors ei dubèrt a totes es persones majors de 16 ans.

Peth hèt de participar-i, es autors/es se comprometen a cedir es drets d’imatge des fòtos ar Ajuntament de Vielha e Mijaran entara sua difusion tara exposicion que se poirà veir ena biblioteca. Es participants tanben accèpten qu’es sues òbres siguen exposades ena Biblioteca Generau de Vielha. Era participacion en aquest concors implique era acceptacion d’aguestes bases.

2. Coma i podetz participar:

Podetz presentar sonque ua fòto per participant/a.

3. Tèma:

Eth tèma deth concors qu’ei eth mon deth repopet. Cau qu’era fòto que presentetz sigue originau e inedita e non age estat premiada en cap d’aute concors, e cau qu’indiquetz era edat actuau deth repopet.

4. Caracteristiques:

Es fòtos pòden èster en blanc e nere o en color.

Es fòtos an d’auer ua resolucion minimau de 2 MB e maximau de 3 MB, e les cau enviar entath compde de corrèu dera Biblioteca Generau de Vielha:

biblioteca@vielhamijaran.org, damb un títol, es vòsti nòm e cognòms e un telefòn de contacte.

5. Categories:

I aurà un prèmi tara milhor fotografia e, s’era jurada ac considèra oportun, quauque accessit.

6. Era jurada:

Era jurada serà composada peth personau der Ajuntament de Vielha e Mijaran, era Biblioteca Generau e er airau de Pediatria der Espitau Val d’Aran, era sua decision serà inapellabla e pòt declarar eth concors desèrt. Eth liurament des prèmis se harà



eth dia 29 de noveme, ath laguens des actes de celebracion deth 18au aniversari dera Bibliotèca Generau de Vielha.